



Assaggi di Bisalta
portale linguistico e culturale dei territori della Bisalta

grafia Escolo dòou Po

Amici dei Semplici (Amis di Sambì)

L'asouchasioun Amis di Sambì a l'é nâ a la fin ët i anh '80 a Bœvès, e da ënloura a s'é dèta bin da fâ pèr proumœve la vita cultural dël pais.

L'Asouchasioun a l'a ourganizà ët cours e d'ëncountr qu'a l'an tratà onhi sorta d'argoumènt ës la vita, l'èstoria e la cultura dël post e nhant mac. Pi que tut a l'a fèt vegue couma qu'a caziajou na vota, a l'a moustà couma 's pœl curase coun l'erbe, couma venta avée rësper ët la natura, couma counhouse i ouzéi, ël fioû e ël bestie dël post. A l'a co ourganizà ët cours ët pouezia, ët cultura tradisiounal, ët bai ousitan e pèr sèrcâ l'èva a la manera ët na vota, e ët lesioun d'arqueologia, d'alimentasioun natural, e ët fotografia.

A l'a pe ëncôû fèt ët viage e ët caminade e a l'a prezentà ët libre ës la cultura dël pais.

Dountré ët qui qu'a fan part ët l'asouchasioun a l'an fèt ën gros travai, qu'ou l'a durà ët i anh, pèr sèrcâ, coëie e vardâ tut lo qu'a pœziou ës la cultura e ël tradisioun dël pais ën particulâr ës quisti argoumènt:

linguistic: èstorie, prouvèrbi, manere ët dî, ourasioun, bai tradisiounai, èstrancœmi dël famie; voucaboulari (marcand la diferensa ët prounousia e la manera ët chamâ ël coze tra na frasioun e l'aouta), travai e mësée, manere d'ënlevâ ël bestie e ët travaiâ la tèra qu'a coustou pi o a 's dœourou pi vère

noëmi di pœst: lista di noëmi di pœst qu'a i é sël tèritori marcand ounda a 's troëvou ës la mapa

manera ët vive e coustum: tut lo que rigouarda la vita ët l'om (nasita, mort, feste, jœ e divèrtimant, coustum e manera ët vestise)

manera ët manjâ e ët cuzinâ

mound fantastic: èstorie si pèrsounage famous ët la nosta "*mitologia*" e dël mound imaginari

ëncôû d'aout: pèrsounage, èstoria dël post, arqueologia, relijousità, arquitetura

A l'an pe co coëi i fèr e tut lo que a dœouravou na vota pèr i travai e i mësée d'ënloura.

L'asouchasioun a l'a fèt scerte ënt ël 2002 ël libre "Béstie, bestiëtte, bestiàs" qu'ou fa la lista ët couma qu'a 's chamavou ël bestie a Bœvès (èstampà da *Primalpe*) e òoura a ësta proutandne n'aout ës l'arbou.